

中國邊境史料通編

(秦—清)



中國邊境史料通編

(秦—清)

說誤。然圖例列甚明。斷故視覽。概為有目。其圖繪製
時代。據海防城。礮台諸建置。大致皆以康熙年間
為準。若雍正十二年增設香山縣屬之大北山礮台。
乾隆五十九年海豐縣屬增設白沙灣礮台。圖中既
無記載。即雍正九年析惠州府海豐縣之地。增設海
豐縣治。亦未繪出。是圖之製作時期。自當在康熙末年。
及雍正初年之間。固無可疑者矣。按此種沿海防範
之圖。雖多為昔時疆吏修進之本。不能以著作論之。
然此圖考核精詳。繪製明晰。較之志書所附。尤為善。

我勝之故錄之以為考廣東海防沿革者之參考也

廣東礮台圖記二卷

清道光二十四年繪原稿本

清顧炳章製炳章道光間客游廣東適值鴉片戰爭
之後海防吃緊清廷以粵省兵政廢弛臨事全無實
用乃飭將軍等會同地方督撫籌議增修守備添築
礮台以資捍禦當道以炳章熟悉廣東地勢尤精時
政乃以修築廣東虎門外及內河礮台工事屬之炳
章奉命後親歷省城內河沿岸及虎門外洋之地相
度地勢察其要害按台勘復凡先後興築修復改造
之礮台屬虎門外洋者十六座內河東西南三路者

十四座工竣後因繪此圖以紀其興工之始末圖凡
二卷均以設色彩繪畫工頗精其第一卷為虎門外
洋諸礮台凡十六幅曰大角礮台圖曰沙角礮台圖
曰下橫檔礮台圖曰上橫檔礮台圖曰大虎礮台圖
曰鞏固南礮台圖曰鞏固北礮台圖曰水軍寮礮台
圖曰咸遠礮台圖曰靖遠礮台圖曰鎮遠礮台圖曰
蚊頭灣礮台圖曰竹洲礮台圖曰九宰礮台圖曰蕉
門礮台圖曰新涌礮台圖第二卷為內河各路諸礮
台凡十四幅曰冲天鳳土整圖曰大崗邊南固礮台

圖曰崙頭東礮台圖曰崙頭南土墩圖曰東朗礮台
圖曰南石頭礮台圖曰大黃溪礮台圖曰鳳凰崗礮
台圖曰永清礮台圖曰西礮台圖曰西安礮台圖曰
西園礮台圖曰西平礮台圖曰海珠礮台圖各圖均
附有說其圖用平面形測繪雖簡說頗明晰凡夷船
經由路徑海面寬深丈尺及礮台方向四至現駐弁
兵之數與其修建之沿革營造之制度莫不繪載精
詳按虎門位於粵之省會東南伶仃淇澳列峙其南
為今昔廣東內河入海之要道故所繪雖非全粵沿

海之形勢然因地之險要故仍足資考廣東海防者
之採擇不應以案牘附圖目之也

廣東海防彙覽四十二卷

道光間刊本

清盧象昇纂修是編始議於盧坤繼鄧廷楨祁埶怡
良等賡續其議為卷四十二分類有八曰地輿析子目
為通論及險要曰道里析子目為沿海及各營曰職司
析子目為文員及武員曰營制析子目為裁設為兵
額曰財用析子目為俸餉積貯及經費曰方略析子
目為通論船政戎器操練巡哨輯捕軍政所城墩
臺保甲禁奸及馭夷曰事紀則自晉迄清釐為四
目焉首復冠三路海圖並南澳澳門虎門諸圖攷粵

海三路之制昉於明代曰東曰中曰西乾隆丙辰西路分
上下遂有四路之稱嘉慶庚午東路亦如西路之例乃
並著為五路茲所繪圖仍沿三路舊制復參稽籌
海圖編方輿紀要諸書自潮始迄瓊終次第分明
無牴牾是最為得體尤能傳示後世者即其略古詳
今舉新證舊史乘而外聲叙官書旁按吏籍凡
章奏諭令條繫件別盡廢繁贅之例較他書之專
憑書牘或則雜入咨移牌票者頗有簡淨扼要之
妙抑其錄道里詳晰畢至凡列戍用屯畫疆置守

量四至以及汎防之步尺靡不昭然可查此其精密者一
清會典載臣工俸廉不列心紅薪炭錄兵丁餉米不
及卹故銀錢茲編則詳陳節目備於財用此其精密者
二方略一門析子目至十數之多備舉利害嚴議防守
殆無二慮之遺廣東自道光以後風雲變幻強敵窺
伺故特詳具方略期為後事之師此其精密者三又列
書顯黜尤多世不經見之本則仿列書名庶乎可據
復審訂是非除刊疵贅或為攷證或為附按於原
增益匪訾此其精密者四舉其四端闕其梗概要

非草草塞責之官書所能望其項背者矣。

粵大記卷之三十二

政事類

嶺南郭棨篤周甫編

海防

洪武二年倭寇惠潮諸州

時天下初定海內以安倭夷竊發濱海一帶皆被
騷擾乃命行人楊載使日本以重書諭其國王
書詳見使倭事畧中

四年倭寇海晏下川指揮楊景討平之

時海寇鍾福全李夫人等自稱總兵挾倭船二百

艘寇海晏下川等地廣州左衛指揮食事楊景追
捕至陽江平之

二十七年秋七月甲戌始命廣東防倭
命安陸侯吳傑永定侯張全等率各武官往廣東
訓練沿海衛所官軍以備倭寇

永樂七年冬十月倭陷廉州教授王翰死之

翰河南人任廉州府學教授嚴立規程教誨不倦
倭賊陷城民皆逃匿翰整衣端坐明倫堂賊至欲
執之罵詈不屈遂遇害

九年三月倭陷昌化所千戶王偉死之

時副總兵李珪等擁兵不救城遂陷王偉力戰而死軍上死者甚衆城中人口糧食軍器皆被劫掠
十一年正月辛巳李珪敗倭於潮州靖海海濱
珪先以昌化之陷戴罪殺賊大敗賊于靖海生擒
十五人斬首五級悉送京師

十二月辛丑命都督僉事胡原等備倭

同克總兵官都督僉事梁銘都督指揮使薛山為
副率原調廣東所屬軍士五十名巡捕倭寇

崇禎三年夏四月海寇寇掠海豐新會備倭都指揮
僉事王俊有罪伏誅

時海賊寇海豐新會甚猖獗總兵董興使都指揮
僉事杜信往勦之被殺備倭指揮僉事王俊追至
清水澳不及還至荔枝灣海面獲白船一隻俊取
其檳榔蘇木等物縱賊開洋而遁事發追出俊賊
奏聞俊當斬奉 旨就彼處決號令於是誅俊梟之
嘉靖三十二年春正月海賊許棟寇潮陽縣招收等
王秋九月許朝光殺棟于江中